

## Kommuneqarfik Sermersuumut / SANARFINERMUT AVATANGIISINULLU INGERLATSIVIK

Illumik ingerlatseqatigiiffimmut POSTHUSET-imut aqutsisutut aamma Nuuk Internationale Friskole sinnerlugu, kommunimut pilersaarummut tapiliussap allanngortinnissaa qinnutigineqarpoq, taamaalilluni illu Narsaviaq 24, B-2315 (NIF) marlunnik quleriinnik ilaneqarsinnaanngorniassammat.

### Tungavilersuut:

Illumik ingerlatseqatigiiffik Posthuset A/S-ip illu Nuuk Internationale Friskolep atuarfeqarfia pigaa. Atuarfik arlalinnit qinnuteqarfigineqartarpoq, ukiunilu kingullerni ilaatigut faginut piffissamut naleqquttunik pilersitsinissaq siunertaralugu atuarfiup siulersuisui atuarfiup ilaneqarnissaanut periarfissat assigiinngitsut misissorsimavaat. Kommuneqarfik Sermersuup illoqarfiup alliertornissaanut annertuumik anguniagaqarnera toqqammavigalugu NIF-imut qinnuteqartut aamma amerliartussapput, atuarfiup siulersuisuisalu piffissallu ingerlanerani NIF-imi marlukkaartunik klasseqartunik ingerlatsinissaq periarfissanngortikkusuppa. Ininik allanik inissaqarnerusumik nassaartoqarsinnaasimangilaq, illoqarfimmilu nunaminertat pagganneqareermata allami nutaamik atuarfiliornissaq piviusorsiorpalaangilaq.

Taamaattumik atuarfiup inissisimaffigeriigaani atuarfiup allilernissaa periarfissaassaaq. Ilaatigut kommunimut pilersaarummut tapiliussami atuuttumi alliliissut ilanngullugu. Tamatuma saniatigut atuarfiup illutaata ataatsimik marlunnilluunniit quleriinnik ilaneqarnissaanut akuersissummik qinnuteqarusuppoq, pitsaanerpaassarluni siunissamut qulakkeerinnereernissaq, taamaalilluni quleriinnut amerlanernut maannangaaq piareersartoqalersinnaassalluni.